



Broj: 03-36-1143/21  
Vogošća, 26.08.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 26.08.2021. godine donio je

**ODLUKU  
O PONIŠTENJU OTVORENOG POSTUPKA NABAVKE USLUGE IZRADE IDEJNOG I  
IZVEDBENOG PROJEKTA DJEČIJEG IGRALIŠTA KOD MZ BLAGOVAC**

**Član 1.**

Poništava se Otvoreni postupak nabavke usluge izrade Idejnog i Izvedbenog projekta dječijeg igrališta kod MZ Blagovac, broj: 03-36-1143/21, jer nijedna od pristiglih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Član 2.**

Odluka o poništenju će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 16.07.2021. godine donio Odluku o pokretanju Otvorenog postupka nabavke usluge izrade Idejnog i Izvedbenog projekta dječijeg igrališta kod MZ Blagovac, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 16.07.2021. godine pod brojem: 1353-1-2-136-3-101/21.

Sažetak Obavještenja o nabavci objavljen je u "Službenom glasniku BiH" broj: 45/21 od 23.07.2021. godine.

Tendersku dokumentaciju sa Portala javnih nabavki BiH je preuzelo 16 (šesnaest) ponuđača. Krajnji rok za dostavu ponuda bio je 16.08.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.08.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1143/21 iz jula 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Geoput" d.o.o. Banja Luka	2.390,00	/	/	2.796,30
2	"NTSI institut" d.o.o. Sarajevo	2.750,00	/	/	3.217,50
3	"Remote" d.o.o. Sarajevo	2.787,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Geoput" d.o.o. Banja Luka ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 50. Zakona zahtjevano je da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 3.000,00 KM bez uračunatog PDV-a ili više pojedinačnih ugovora u ukupnom zbiru od 3.000,00 KM bez uračunatog PDV-a.

Tačkom 7.4.2. pod a) TD je propisano da su ponuđači dužni u ponudi kao dokaze dostaviti spisak izvršenih ugovora u ukupnom iznosu od 3.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc listu, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika, sve u skladu sa članom 48. stav 2. Zakona.

Ponuđač "Geoput" d.o.o. Banja Luka je u svojoj Ponudi (strana 20.-21. Ponude) kao dokaz za traženo dostavio Uvjerenje broj: 01-12-2020 od 28.12.2020. godine.

TD-tačkom 7.4.2. pod a) Napomenom II jasno je propisano da Potvrda o pruženim uslugama koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Iz dostavljene Potvrde broj: 01-12-2020 od 28.12.2020. godine se ne vide svi elementi propisani Zakonom o javnim nabavkama BiH (član 48. stav 3.) i to naziv i sjedište ugovornih strana. Naime, zaglavlje Potvrde broj: 01-12-2020 ne sadrži ko je izdavalac iste, te se samo na osnovu otiska pečata može zaključiti da se radi o JZU "Specijalna bolnica za fizikalnu medicinu i rehabilitaciju Mlječanica" Kozarska Dubica.

Ponuđač "Geoput" d.o.o. Banja Luka je u svojoj Ponudi (strana 23. Ponude) kao dokaz za traženo također dostavio i Potvrdu broj: 147/20 od 27.04.2020. godine, izdatu od "Meridian" a.d. Banja Luka.

Komisija za javne nabavke smatra da ponuđač "Geoput" d.o.o. Banja Luka dostavljanjem Potvrde broj: 147/20 od 27.04.2020. godine nije ispunio jasno definisani uslov iz tačke 7.4.1. pod a) TD, a koji se odnosi na dostavljanje realizovanih ugovora-čiji je karakter i kompleksnost isti ili sličan onom koji se odnosi na predmetnu nabavku, a koji je ugovorni organ postavio u TD.

Komisija za javne nabavke je mišljenja da Projekat vanjskog uređenja građevinske parcele (faza niskogradnje, saobraćajna signalizacija, oborinska i fekalna kanalizacija, rasvjeta, vodovod i hidrantska mreža i projekat hortikulturnog uređenja za izgradnju poslovnih objekata na k.č. 886/1, K.O. Bužak), realizovan kroz Ugovor broj: 200-4/19 od

08.05.2019. godine, ne zadovoljava postavljeni uslov, jer je predmet nabavke u postupku ugovornog organa broj: 03-36-1143/21 projektovanje dječijeg igrališta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "NTSI institut" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "NTSI institut" d.o.o. Sarajevo je u svojoj Ponudi kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 16.06.2021. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priloženi Aktuelni izvod iz sudskog registra sastoji od 4 (četiri) stranice, dok Služba za opću upravu Općine Novi Grad Sarajevo ovjeravajući predmetnu kopiju dokumenta na pečatu ovjere uopće nije naznačila od koliko se stranica fotokopija sastoji, a što je direktno utjecalo na formalno-pravnu ispravnost dostavljenog dokumenta.

- Tačkom 9.8.1.TD je propisano da će ugovorni organ dostaviti na potpis izabranom ponuđaču prijedlog Ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 7. tenderske dokumentacije ("nacrt"). Ponuđač treba potpisati prijedlog Ugovora i popuniti sve dijelove koji su ostavljeni prazni (nacrt ugovora mora biti uredno popunjen, potpisan i ovjeren pečatom ponuđača). Ponuđač "NTSI institut" d.o.o. Sarajevo je propustio da popuni dijelove koji su ostavljeni prazni u nacrtu Ugovora (str. 25. i 26. Ponude), te je na taj način postupio suprotno jasno postavljenom zahtjevu ugovornog organa iz TD. Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Remote" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži slijedeće elemente i to između ostalih:

- Izjavu o ispunjenosti uslova iz člana 45. stav (1) tač. a) do d) Zakona (Lična sposobnost), sačinjenu i popunjenu u skladu sa šemom koja je data u Aneksu 3. tenderske dokumentacije, potpisanu od strane ponuđača i ovjerenu i potpisanu od strane nadležnog organa (sud, notar ili općina).
- obrazac pismene izjave iz člana 52. Zakona o javnim nabavkama BiH ("Službeni glasnik BiH" broj 39/14), sačinjen i popunjen u skladu sa šemom koja je data u Aneksu 4. tenderske dokumentacije, potpisan od strane ponuđača i ovjeren i potpisan od strane nadležnog organa (sud, notar ili općina).

Ponuđač "Remote" d.o.o. Sarajevo je u svojoj Ponudi (strana 9. i 15. Ponude) dostavio popunjen Aneks 3. (Izjava o ispunjenosti uslova iz člana 45. Zakona) i Aneks 4. (Izjava iz člana 52. Zakona).

Komisija za javne nabavke smatra da je ponuđač "Remote" d.o.o. Sarajevo načinio ozbiljan propust prilikom popunjavanja izjave iz Aneksa 4 TD (strana 15. Ponude). Naime, iako su TD ponuđačima u postupku stavljeni na raspolaganje obrasci Aneksa 3 i 4 koje je trebalo samo popuniti i ovjeriti kod nadležnog organa, ponuđač "Remote" d.o.o. Sarajevo je iste prekucavao na svom obrascu te je tom prilikom napravio grešku, tako da je pogrešno popunio Izjavu iz člana 52. Zakona-Aneks 4, a na način da je zaglavljje predmetne Izjave pogrešno prekopirao sa Izjave iz člana 45. Zakona-Aneks 3 TD.

Komisija za javne nabavke smatra da se radi o ozbiljnom propustu ponuđača koji je postupio suprotno jasno postavljenom zahtjevu ugovornog organa iz TD, te zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge izrade Idejnog i Izvedbenog projekta dječijeg igrališta kod MZ Blagovac, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Geoput" d.o.o. Banja Luka
2. "NTSI institut" d.o.o. Sarajevo
3. "Remote" d.o.o. Sarajevo
4. Nadležnoj Službi
5. U dosije
6. a/a

051/461-922  
033/847-775  
info@rmt.ba



OPĆINSKI NAČELNIK

*Edin Smajić*  
Edin Smajić